



অবিলম্বে প্রকাশের উদ্দেশ্যে: 2/3/2025

গভর্নর ক্যাথি হোকল

আরো নিরাপদ রাস্তা: নিউ ইয়র্ক স্টেটের 14টি কমিউনিটিতে বন্দুক সহিংসতা হ্রাস ও
প্রাণ রক্ষা করতে কমিউনিটি-ভিত্তিক প্রচার কার্যক্রমের জন্য গভর্নর HOCHUL 20.7
মিলিয়ন মার্কিন ডলার ঘোষণা করেছেন

*কমিউনিটি-ভিত্তিক সংস্থা এবং ট্রমা সেন্টারগুলোকে SNUG স্ট্রিট আউটরিচ
অনুদানগুলো প্রদান করা হয়েছে যেখানে বিশ্বাসযোগ্য বার্তাবাহকগণ ঝুঁকিপূর্ণ
ব্যক্তিদের সঙ্গে কাজ করেন*

*স্টেটে গান ইনভলভড ভায়োলেন্স এলিমিনেশন ইনিশিয়েটিভে অন্তর্ভুক্ত
কমিউনিটিগুলোতে বন্দুক সহিংসতার ঘটনায় আহতের সংখ্যা সর্বকালের নিম্নতম স্তরে
পৌঁছেছে*

*গভর্নরের 26 অর্থ বর্ষের বাজেট নিউ ইয়র্ক সিটির বাইরে প্রায় 85% সহিংস অপরাধ
এবং আগ্নেয়াস্ত্র ব্যবহৃত প্রায় 90% সহিংস অপরাধের রিপোর্ট করা কমিউনিটিগুলোতে
অপরাধ প্রতিরোধ উদ্যোগের জন্য অভূতপূর্ব সহায়তা অব্যাহত রেখেছে*

গভর্নর Kathy Hochul (ক্যাথি হোকল) আজ ঘোষণা করেছেন যে নিউ ইয়র্ক স্টেটের 14টি
কমিউনিটিতে বন্দুক সহিংসতা কমানো এবং জীবন রক্ষায় কাজ করা SNUG স্ট্রিট আউটরিচ
প্রোগ্রামগুলোকে সহায়তা করতে 20.7 মিলিয়ন মার্কিন ডলার প্রদান করা হবে। এই
অনুদানগুলো কমিউনিটি-ভিত্তিক সংস্থা এবং হাসপাতালগুলোর জন্য বরাদ্দ যা বিশ্বাসযোগ্য
বার্তাবাহক হিসেবে কাজ করা এবং যারা বন্দুক সহিংসতার ঝুঁকিতে রয়েছে তাদের সাথে সংযোগ
স্থাপন, সমর্থন ও সেবার মাধ্যমে আচরণ পরিবর্তনে সহায়তা এবং সুযোগ বৃদ্ধি করে এমন
আউটরিচ কর্মী, হাসপাতালে সেবাদানকারী, সমাজ কর্মী এবং কেস ম্যানেজারদের তহবিল
প্রদান করে। গত সপ্তাহে, গভর্নর Hochul (হোকল) ঘোষণা করেছেন যে 2024 সালে [স্টেটের
গান ইনভলভড ভায়োলেন্স \(Gun Involved Violence\) উদ্যোগে অংশগ্রহণকারী](#)
[কমিউনিটিগুলোতে রিপোর্ট করা আহতসহ গুলোর ঘটনা রেকর্ড পরিমাণ সর্বনিম্ন পর্যায়ে](#)
[পৌঁছেছে](#) যেখানে 2023 সালে 817টি ঘটনার তুলনায় 2024 সালে 588টি ঘটনা রিপোর্ট করা
হয়েছে যা 28 শতাংশ হ্রাস নির্দেশ করে। গভর্নরের 26 অর্থ বর্ষের নির্বাহী বাজেট SNUG, বন্দুক-
সংক্রান্ত সহিংসতা এবং অন্যান্য উদ্যোগের জন্য অভূতপূর্ব সহায়তা অব্যাহত রেখেছে যা
সেইসব কমিউনিটিতে পরিচালিত হয় যেখানে নিউ ইয়র্ক সিটির বাইরে ঘটে যাওয়া 85 শতাংশ
সহিংস অপরাধ এবং আগ্নেয়াস্ত্র সংশ্লিষ্ট 90 শতাংশ সহিংস অপরাধ রিপোর্ট করা হয়।

“জননিরাপত্তা আমার প্রথম অগ্রাধিকার — তাই আমার বাজেট প্রমাণিত উদ্যোগগুলোতে বিনিয়োগ করছে, যেমন- SNUG প্রোগ্রাম যা বন্দুক সহিংসতা কমাতে, জীবন বাঁচাতে এবং নিউ ইয়র্কের জনগণকে নিরাপদ রাখতে সহায়তা করে,” **গভর্নর Hochul (হোকল) বলেন।** “যেখানে বন্দুক সহিংসতা ঘটছে সেখানে তা মোকাবিলা করতে এবং অংশীদারদের সম্পৃক্ত করে ব্যাপকভাবে দৃষ্টিভঙ্গি বদলাতে স্টেটের বিভিন্ন অঞ্চলে আউটরিচ টিমগুলো আইন প্রয়োগকারী সংস্থা এবং স্থানীয় অংশীদারদের সঙ্গে যৌথভাবে কাজ করছে যা আমাদের কমিউনিটিকে সবার জন্য নিরাপদ করে তুলবে।”

নিউ ইয়র্ক স্টেটের SNUG প্রোগ্রাম একটি জনস্বাস্থ্যমূলক পদ্ধতি ব্যবহার করে বন্দুক সহিংসতা মোকাবিলা করে যা সহিংসতার উৎস সনাক্তকরণ, ছড়িয়ে পড়া বন্ধ করা এবং ক্ষতিগ্রস্ত ব্যক্তিবর্গ, পরিবার ও কমিউনিটিগুলোকে সহায়তা প্রদান করার মাধ্যমে কাজ করে। স্টেটের ক্রিমিনাল জাস্টিস সার্ভিসেস বিভাগ (Division of Criminal Justice Services)-এর অধীনে পরিচালিত, SNUG, গান ইনভলভড ভায়োলেন্স (Gun Involved Violence, GIVE) উদ্যোগ, স্টেটের জাতীয়ভাবে স্বীকৃত ক্রাইম অ্যানালাইসিস সেন্টার নেটওয়ার্ক (Crime Analysis Centers Network) এবং প্রজেক্ট RISE (প্রতিক্রিয়া, বিনিয়োগ, স্থায়িত্ব, ক্ষমতায়ন) গভর্নর Hochul (হোকল)-এর বিস্তৃত পরিকল্পনার মূল উপাদান যা বন্দুক সহিংসতা এবং অন্যান্য অপরাধের কারণ ও পরিণতি মোকাবিলা করতে সহায়ক।

নিউ ইয়র্ক স্টেট ডিভিশন অব ক্রিমিনাল জাস্টিস সার্ভিসেসের কমিশনার Rossana Rosado (রোসানা রোসাদো) বলেন, “আমাদের SNUG স্ট্রিট আউটরিচ টিমগুলো গভর্নর Hochul (হোকল)-এর ব্যাপকভাবে অপরাধ হ্রাস এবং জননিরাপত্তা পরিকল্পনার একটি গুরুত্বপূর্ণ উপাদান। এই নিবেদিত ব্যক্তিগণ এমন কমিউনিটিতে কাজ করেন যেখানে বন্দুক সহিংসতার প্রবণতা অনেক বেশি। তারা বিরোধ নিষ্পত্তি ও শান্তিপূর্ণভাবে তা সমাধান করে এবং কর্মসূচি ও সহায়তার অ্যাক্সেস নিশ্চিত করে যার মধ্যে পরামর্শ এবং কেস ম্যানেজমেন্ট রয়েছে যাতে তরুণ/তরুণী ও পরিবারগুলো সফল হতে পারে এবং কমিউনিটিগুলো স্বাভাবিক থাকতে পারে। আমরা গভর্নর Hochul (হোকল)-কে এই কাজের প্রতি তার দৃঢ় সমর্থন এবং জননিরাপত্তা নিয়ে তার নেতৃত্বের জন্য ধন্যবাদ জানাই।”

এই 20.7 মিলিয়ন মার্কিন ডলার 2025 ক্যালেন্ডার বছরে SNUG অবস্থানগুলোয় কাজ করা কর্মী, প্রোগ্রাম, পরিষেবা, যন্ত্রপাতি এবং প্রযুক্তির খরচে ব্যবহৃত হবে। কমিউনিটি-ভিত্তিক সংস্থা এবং হাসপাতালগুলো অর্থায়ন করা যা 181 জন ফুল-টাইম এবং 39 জন পার্ট-টাইম কর্মচারীকে সহায়তা করে যারা অ্যালবানি, ব্রঙ্কস, বাফেলো, হেম্পস্টেড, মাউন্ট ভার্নন, নিউবার্গ, ন্যায়াগ্রা ফলস, পোঘকিপসি, সিরাকিউজ, রচেস্টার, ট্রয়, ইউটিকা, ওয়াইয়ানডাঞ্চ এবং ইয়ঙ্কায়ের নির্দিষ্ট এলাকায় কাজ করেন। DCJS এই “SNUG জোনগুলোতে” বন্দুক সহিংসতার তথ্য ট্র্যাক করে এবং গত বছর, সেগুলো সামগ্রিকভাবে 2023 সালের তুলনায় বন্দুকের দ্বারা আঘাতপ্রাপ্ত ব্যক্তি, বন্দুকের দ্বারা নিহত ব্যক্তির সংখ্যা এবং আঘাতজনিত বন্দুক সহিংসতার ঘটনা উল্লেখযোগ্য যা ডাবল ডিজিট হারে হ্রাস রিপোর্ট করেছে।

SNUG আউটরিচ কর্মী, সমাজ কর্মী, কেস ম্যানেজার এবং হাসপাতালে সেবাদানকারীগণ বন্দুক সহিংসতা প্রবণ এলাকায় কাজ করেন এবং প্রোগ্রামটি অ্যালবানি, বাফেলো, দ্য ব্রঙ্কস, রোচেস্টার এবং সিরাকিউজের লেভেল ওয়ান ট্রমা সেন্টারে সমাজ কর্মী এবং হাসপাতালে

সেবাদানকারীদের অন্তর্ভুক্ত করে। এই পেশাদারগণ হিংসাত্মক ঘটনার পর ব্যক্তিগত এবং পারিবারিকভাবে সহায়তা, সেবা প্রদান করে এবং তাদের কমিউনিটিতে বাড়তি সহায়তার জন্য SNUG প্রোগ্রামের সাথে যোগাযোগ স্থাপন করে।

এই SNUG কর্মীগণ বিশ্বাসযোগ্য বার্তাবাহক, তারা যে কমিউনিটিতে কাজ করে সেখানেই বসবাস করেন এবং তাদের মধ্যে কিছু ব্যক্তি অপরাধমূলক বিচার ব্যবস্থার সাথে জড়িত বা সহিংসতায় প্রিয়জন হারিয়েছে। তারা কিশোর এবং তরুণ প্রাপ্তবয়স্কদের সাথে কাজ করেন বিরোধগুলি বৃদ্ধি পাওয়ার আগে সনাক্ত করার জন্য এবং নিষ্পত্তি করার জন্য; মধ্যস্থতার মাধ্যমে প্রতিশোধ রোধ করতে গুলি চালানোর বিরুদ্ধে প্রতিক্রিয়া জানানোর জন্য এবং যারা আহত বা নিহত হয়েছে তাদের পরিবারের সদস্যদের সহায়তা করার জন্য; এবং প্রোগ্রামের সাথে জড়িত যুবকদের লক্ষ্য নির্ধারণ করতে এবং তাদের শিক্ষাগত এবং চাকরির সুযোগের পাশাপাশি অন্যান্য পরিষেবার সাথে সংযুক্ত করতে পরামর্শ দেওয়ার জন্য। এছাড়াও কর্মসূচিটি সহিংসতাবিরোধী মার্চ, চাকরির মেলা, ব্লক পার্টি, ক্রীড়া ইভেন্ট এবং অন্যান্য সম্প্রদায়ের জমায়েত স্পন্সর করার মাধ্যমে সম্প্রদায়, ধর্মীয় সংগঠন এবং ক্লার্জি, এবং স্থানীয় ব্যবসা প্রতিষ্ঠানসমূহকে জড়িত করে।

SNUG কার্যক্রম পরিচালনার জন্য DCJS থেকে নিম্নলিখিত সংস্থা ও হাসপাতালগুলো অর্থায়ন এবং সহায়তা পাবে:

নিউ ইয়র্ক সিটি এবং লং আইল্যান্ড

- ব্রক্স - জ্যাকোবি মেডিকেল সেন্টার: 2,702,617 মার্কিন ডলার
- হেম্পস্টড - ফ্যামিলি অ্যান্ড চিলড্রেন অ্যাসোসিয়েশন: 1,164,397 মার্কিন ডলার
- ওয়াইয়ানডাক - সাফোক ইকোনোমিক অপর্চুনিটি কাউন্সিল: 746,522 মার্কিন ডলার

হাডসন ভ্যালি

- মাউন্ট ভার্নন - ওয়েস্টচেস্টার ফ্যামিলি সার্ভিসেস: 1,088,391 মার্কিন ডলার
- নিউবার্গ - রিজিয়নাল ইকোনোমিক কমিউনিটি অ্যাকশন প্ল্যান: 896,799 মার্কিন ডলার
- পকিন্সি - ফ্যামিলি সার্ভিসেস, ইনকর্পোরেটেড: 1,076,245 মার্কিন ডলার
- ইয়োকাস - ইয়োকাস YMCA: 1,010,259 মার্কিন ডলার

রাজধানী অঞ্চল

- অ্যালবানি - ক্যাপিটাল রিজিয়নের ট্রিনিটি অ্যালায়েন্স: 1,820,329 মার্কিন ডলার এবং অ্যালবানি মেডিকেল সেন্টার: 262,310 মার্কিন ডলার
- ট্রয় - ক্যাপিটাল রিজিয়নের ট্রিনিটি অ্যালায়েন্স: 860,134 মার্কিন ডলার

সেন্ট্রাল নিউ ইয়র্ক

- সিরাকিউজ - সিরাকিউজ মডেল নেইবারহুড ফ্যাসিলিটি: 1,820,189 মার্কিন ডলার এবং SUNY আপস্টেট মেডিকেল সেন্টার: 464,374 মার্কিন ডলার

মোহক ভ্যালি

- ইউটিকা - ইন্টিগ্রেটেড কমিউনিটি অল্টার্নেটিভস নেটওয়ার্ক: 792,673 মার্কিন ডলার

ফিঙ্গার লেকস

- রচেস্টার - পাথস্টোন কর্পোরেশন: 1,949,426 মার্কিন ডলার এবং রচেস্টার জেনারেল হাসপাতাল: 571,002 মার্কিন ডলার

ওয়েস্টার্ন নিউ ইয়র্ক

- বাফেলো - ইরি কাউন্টি মেডিকেল সেন্টার: 2,800,915 মার্কিন ডলার
- ন্যায়াগ্রা ফলস - ন্যায়াগ্রা ফলসের কমিউনিটি মিশনস: 677,170 মার্কিন ডলার

সমন্বিত প্রশিক্ষণ, সাইট ভিজিট এবং DCJS-এর তরফ থেকে পাওয়া সহায়তা SNUG-কে স্টেট ও দেশজুড়ে অন্যান্য কমিউনিটিভিত্তিক সহিংসতা প্রতিহতকারী কর্মসূচি থেকে আলাদা করে তুলেছে। নতুন কর্মীদেরকে অবশ্যই 40 ঘণ্টার প্রশিক্ষণ সম্পন্ন করতে হবে এবং নতুন সুপারভাইজারদের 32 ঘণ্টার ব্যবস্থাপনা বিষয়ক প্রশিক্ষণ সম্পন্ন করতে হয়। এছাড়াও প্রত্যেক কর্মীকে অবশ্যই প্রতি বছর 40 ঘণ্টার পেশাগত উন্নয়ন বিষয়ক প্রশিক্ষণ সম্পন্ন করতে হয়। চলমান প্রশিক্ষণ এবং সমর্থন এটি নিশ্চিত করতে সাহায্য করে যাতে কর্মসূচিটি সকল SNUG সাইটে সংগতিপূর্ণভাবে কাজ করে, যদিও এগুলি ভিন্ন ভিন্ন সম্প্রদায়ভিত্তিক সংগঠন এবং হাসপাতাল দ্বারা পরিচালিত হয়।

স্টেট সিনেটের সংখ্যাগরিষ্ঠ নেতা Andrea Stewart-Cousins (আন্দ্রেয়া স্টুয়ার্ট-কাজিন্স) বলেন, “একজন স্টেট সিনেটর হিসেবে আমি গর্বিত যে ইয়ঙ্কাস এবং নিউ ইয়র্ক স্টেটে প্রথম SNUG বিনিয়োগের পক্ষে প্রতিনিধিত্ব করেছি কারণ আমি জানতাম যে বাস্তব কমিউনিটি-চালিত সমাধানগুলো বন্দুক সহিংসতা কমাতে এবং আমাদের প্রতিবেশীদেরকে নিরাপদ রাখতে মূল ভূমিকা পালন করবে। আমরা প্রত্যক্ষ করেছি কিভাবে SNUG জীবন বদলে দিয়েছে—হিংসার চক্র ভেঙে দিয়েছে, গুরুত্বপূর্ণ সহায়তা প্রদান করেছে এবং তরুণ/তরুণদের একটি ভালো পথে পরিচালিত করতে সহায়ক হয়েছে। আমি খুব উচ্ছ্বসিত যে ইয়ঙ্কাস এই জীবন রক্ষাকারী প্রোগ্রামকে সহায়তা করার জন্য নতুনভাবে 1 মিলিয়ন মার্কিন ডলারেরও বেশি অর্থ পাচ্ছে। সংখ্যাগরিষ্ঠ নেতা হিসেবে, আমি ওয়েস্টার্ন এবং নিউ ইয়র্ক SNUG-এর মতো গুরুত্বপূর্ণ এবং কার্যকরী বিনিয়োগগুলো চালিয়ে যাওয়ার প্রতিশ্রুতি অব্যাহত রাখবো। আমি গভর্নর Hochul (হোকল), আমার ওয়েস্টার্ন ডেলিগেশন এবং সংখ্যাগরিষ্ঠ সিনেটরদের পাশাপাশি অ্যাসেম্বলিতে আমাদের অংশীদারদের তাদের চলমান নেতৃত্ব এবং বন্দুক সহিংসতার বিরুদ্ধে লড়াইয়ে অংশীদারিত্বের জন্য ধন্যবাদ জানাই। আমি আমাদের কমিউনিটিগুলোকে নিরাপদ রাখতে এই অগ্রগতির বিষয়ে যৌথভাবে কাজ করা চালিয়ে যাওয়ার ব্যাপারে আগ্রহী।”

স্টেট সিনেটর Jamaal Bailey জামাল বেইলি) বলেন, “নিউ ইয়র্ক স্টেট জুড়ে বন্দুক সহিংসতা প্রতিরোধ, ঝুঁকিতে থাকা ব্যক্তিদের সহায়তা এবং কমিউনিটিগুলোকে শক্তিশালী করার মতো প্রচেষ্টা বাড়ানোর জন্য SNUG-এ 20.7 মিলিয়ন মার্কিন ডলার বিনিয়োগ করাটা অত্যন্ত গুরুত্বপূর্ণ। SNUG আমাদের এলাকার বন্দুক সহিংসতা প্রতিরোধে একটি গুরুত্বপূর্ণ অংশীদার এবং একটি প্রতিষ্ঠান যা আমার ডিস্ট্রিক্টের উপর ব্যাপক প্রভাব ফেলেছে এবং এটি অব্যাহত থাকবে কারণ মাউন্ট ভার্নন - ফ্যামিলি সার্ভিসেস অব ওয়েস্টার্ন (Family Services of

Westchester) পাচ্ছে 1,088,391 মার্কিন ডলার। আউটরিচ কর্মী, সমাজ কর্মী এবং হাসপাতালে সেবাদানকারীদের অর্থায়ন করার মাধ্যমে, ভবিষ্যত সহিংসতাগুলো প্রশমিত হতে পারে এবং সকলের জন্য নিরাপদ পাড়া-মহল্লা এবং উজ্জ্বল ভবিষ্যত তৈরি করতে পারে। আমাদের কমিউনিটির নিরাপত্তাকে অগ্রাধিকার দেওয়ার জন্য এবং গভর্নর Hochul (হোকল)-এর নেতৃত্বের জন্য তাকে ধন্যবাদ।”

স্টেট সিনেটর Nathalia Fernandez (নাথালিয়া ফার্নান্দেজ) বলেন, “SNUG-এর ক্ষেত্রে এই তহবিল শুধু হস্তক্ষেপের ব্যাপার নয়—এটি সেইসব শর্তাবলি পরিবর্তন করার ব্যাপার যা প্রথমে সহিংসতার দিকে নিয়ে যায়। জ্যাকোবি হাসপাতালের স্ট্যান্ডিং আপ টু ভায়োলেন্স (Standing Up to Violence) প্রোগ্রাম তার পরিষেবার বছরগুলোতে ঠিক এমনটাই করেছে। প্রকৃত বার্তাবাহক, আউটরিচ কর্মী এবং ট্রমা মোকাবেলায় নিয়োজিত কর্মীদের সহায়তার মাধ্যমে, আমরা নিশ্চিত করছি যে সঠিক ব্যক্তির সংঘর্ষের মধ্যস্থতা, ঝুঁকিপূর্ণ ব্যক্তিদের সুযোগের সাথে সংযুক্ত করা এবং পরবর্তী ট্রাজেডি ঘটানোর আগেই প্রতিরোধ করার জন্য নিয়োজিত আছেন। বাস্তবতা বুঝে বিনিয়োগ করার জন্য আমি গভর্নর Hochul (হোকল)-কে সাধুবাদ জানাই কারণ ব্রঙ্কসের প্রতিটি মহল্লা, প্রতিটি পরিবার, প্রতিটি শিশু বন্দুক সহিংসতা থেকে নিরাপদে বেড়ে ওঠার দাবি রাখে।”

স্টেট সিনেটর Samra G. Brouk (সামরা জি. ব্রুক) বলেন, “প্রতিটি নাগরিক যেখানেই থাকুক না কেন তাদের উচিত নিরাপদ অনুভব করা। নিউ ইয়র্ক স্টেট জুড়ে বন্দুক সহিংসতা কমানোর জন্য 20 মিলিয়ন মার্কিন ডলারের বেশি তহবিল প্রদান করা হবে যা রচেসটারের মতো কমিউনিটিগুলোতে GIVE-এর মতো কর্মসূচির ইতোমধ্যেই হওয়া বিশাল প্রভাবের উপর ভিত্তি করে আরো উন্নতি সাধন করবে। Hochul (হোকল) সহিংসতার মূল কারণগুলো মোকাবিলা করছেন এবং আমাদের প্রতিবেশী নিউ ইয়র্কবাসীদের সুরক্ষার জন্য কার্যকর সমাধানগুলোর পক্ষে সমর্থন জানানোর কারণে আমি তাকে সাধুবাদ জানাই।”

স্টেট সিনেটর Sean Ryan (শন রায়ান) বলেন, “বাফেলো এবং আমাদের পুরো স্টেটে জননিরাপত্তা নিশ্চিত করা একটি প্রধান অগ্রাধিকার। এই কারণেই আমরা দেশের কঠোরতম বন্দুক নিরাপত্তা আইন পাশ করেছি এবং অপরাধ হ্রাস ও কমিউনিটিকে শক্তিশালী করার উদ্যোগগুলোতে ধারাবাহিকভাবে তহবিল প্রদান করছি। এই প্রচারমূলক কার্যক্রমগুলোয় সমর্থনের জন্য আমি গভর্নর Hochul (হোকল)-এর প্রতি কৃতজ্ঞ যেগুলোর বন্দুক সহিংসতা কমানোর ক্ষেত্রে একটি প্রমাণিত সাফল্যের ইতিহাস রয়েছে।”

স্টেট সিনেটর Monica Martinez (মনিকা মার্টিনেজ) বলেন, “বন্দুক সহিংসতা নিউ ইয়র্কবাসীদের প্রাণ কেড়ে নিচ্ছে এবং আমাদের কমিউনিটির মধ্যে ভীতি সৃষ্টি করছে। SNUG স্ট্রিট আউটরিচ প্রোগ্রাম একটি প্রমাণিত উপায় যা এই ধ্বংসাত্মক ট্রাজেডিগুলো প্রতিরোধ করে, ঝুঁকিপূর্ণ ব্যক্তিদের সাথে সংযোগ স্থাপন করে এবং তাদেরকে ভিন্ন পথ বেছে নেওয়ার জন্য প্রয়োজনীয় সহায়তা প্রদান করে। এই বছরের নির্বাহী বাজেটে নিউ ইয়র্ক স্টেটে বন্দুক সহিংসতা বন্ধ করার প্রতি আমাদের যৌথ প্রতিশ্রুতি নিশ্চিত করার জন্য ধন্যবাদ গভর্নর Hochul (হোকল)।”

স্টেট সিনেটর Patricia Fahy (প্যাট্রিসিয়া ফাহি) বলেন, “গবেষণার উপর ভিত্তি করে প্রোগ্রাম এবং মাঠ পর্যায়ের রিসোর্সে বিনিয়োগ করাই হলো বন্দুক সহিংসতার অভিশাপ

মোকাবেলার সঠিক উপায়। আইন প্রয়োগকারী সংস্থার সাথে অংশীদারিত্ব, ট্রিনিটি অ্যালায়েন্স অব দ্য ক্যাপিটাল রিজিওনের মতো সহায়ক কমিউনিটি-ভিত্তিক হস্তক্ষেপকারীগণ এবং এই উদ্যোগগুলোর জন্য স্টেটের আর্থিক প্রতিশ্রুতি বাড়ানোই সেই কারণগুলোর মধ্যে একটি যার ফলে স্টেটজুড়ে বিদ্যমান কমিউনিটিগুলোতে বন্দুক সহিংসতার হার কমছে। নিউ ইয়র্ক স্টেটের গভর্নর Hochul (হোকল) এবং নিউ ইয়র্কের প্রতিটি মানুষ আমাদের রাস্তায় নিরাপদ বোধ করে এবং নিউ ইয়র্ক স্টেটে বন্দুক সহিংসতার মহামারী শেষ করতে যারা কাজ করছেন আমার এমন বিধানসভার সহকর্মীদের ধন্যবাদ জানাই।”

স্টেট সিনেটর Siela Bynoe (সিয়েলা বাইনো) বলেন, “লং আইল্যান্ড এবং পুরো দেশে বন্দুক সহিংসতার মহামারী যা অনেক মানুষের জীবন কেড়ে নিয়েছে তা শেষ হওয়া উচিত। বন্দুক সহিংসতার মূল কারণগুলো মোকাবেলা করার জন্য এমন প্রোগ্রামগুলো বিবেচনায় নেওয়া প্রয়োজন যা যেখানে সবচেয়ে বেশি প্রয়োজন সেখানে আউটরিচ অফার করে তা উভয় ক্ষেত্রেই প্রয়োজনীয় এবং গুরুত্বপূর্ণ। কমিউনিটি-ভিত্তিক সমাধানগুলোর প্রতি Hochul (হোকল)-এর সমর্থনের জন্য আমি তার প্রতি কৃতজ্ঞ।”

স্টেট সিনেটর Joseph Griffo (জোসেফ গ্রিফো) বলেন, “এটি অত্যন্ত জরুরি যে আমরা স্টেটে বন্দুক সহিংসতা মোকাবেলা ও কমানোর উপায় খোঁজা অব্যাহত রাখি। এই তহবিলটি ইউটিকার SNUG প্রোগ্রামকে শক্তিশালী করবে যা বিভিন্ন গুরুত্বপূর্ণ পরিষেবা এবং রিসোর্সকে সমর্থন করবে যা সিটি এবং অঞ্চলের জননিরাপত্তা উন্নত করবে।”

অ্যাসেম্বলি মেম্বর Crystal Peoples-Stokes (ক্রিস্টাল পিপলস-স্টোকস) বলেন, “আমরা জানি যে আউটরিচ কাজ করে। কমিউনিটির মানুষ বন্দুক সহিংসতা মোকাবেলার প্রচেষ্টাকে সমর্থন করলে জীবন রক্ষা পায়। আমি GIVE উদ্যোগ এবং অন্যান্য সহিংসতা বিরোধী উদ্যোগের পাশাপাশি SNUG যা আমাদের কমিউনিটিতে চালিয়ে যাচ্ছে তার কাজ সমর্থন করি। ইরি কাউন্টি মেডিকেল সেন্টারের রেসপন্স টিমগুলো ধারাবাহিকভাবে শীর্ষ পর্যায়ে রয়েছে।”

অ্যাসেম্বলি মেম্বর J. Gary Pretlow (জে. গ্যারি প্রেটলো) বলেন, “যেহেতু আমরা আমাদের কমিউনিটিতে বন্দুক সহিংসতার বিরুদ্ধে লড়াই চালিয়ে যাচ্ছি, SNUG-এর মতো প্রোগ্রামগুলোতে বিনিয়োগ করা শুধু প্রয়োজনীয় নয়—এটি জীবন রক্ষাকারী। গভর্নর হোকল কর্তৃক এই তহবিলটি নিশ্চিত করে যে আমরা সবচেয়ে ঝুঁকিতে থাকা ব্যক্তিদের জন্য রিসোর্স, পরামর্শ এবং হস্তক্ষেপ প্রদান করতে পারব যার ফলে সবার জন্য আরো নিরাপদ পাড়া-মহল্লা তৈরি হবে। আমি গর্বিত যে আমি SNUG এবং সেইসব নিবেদিত ব্যক্তিদের সমর্থন করি যারা মাউন্ট ভার্নন এবং তার বাইরের হিংসার চক্র ভাঙতে অক্লান্ত পরিশ্রম করছেন।”

অ্যাসেম্বলিমেম্বর William B. Magnarelli (উইলিয়াম বি. ম্যাগনারেলি) বলেন, “বন্দুক সহিংসতা কমানো আমাদের কমিউনিটিকে সুরক্ষিত রাখার জন্য একটি সর্বোচ্চ অগ্রাধিকার। কমিউনিটির সংগঠনগুলোর সাথে কাজ করার মাধ্যমে, আমরা একসাথে নিরাপত্তা ব্যবস্থা এবং প্রতিরোধ পদ্ধতিগুলো শক্তিশালী করতে পারি যাতে বন্দুক সহিংসতা কমানো যায়।”

অ্যাসেসম্বলিমেশ্বার John T. McDonald III (জন টি. ম্যাকডোনাল্ড III) বলেন, “আমি ক্যাপিটাল রিজিওন SNUG-এর মূল সমর্থকদের একজন হিসেবে ট্রিনিটি অ্যালায়েন্স এবং SNUG-এর অংশগ্রহণকারীদের সাথে নিবিড়ভাবে কাজ করেছি এবং আমি প্রোগ্রামের ইতিবাচক প্রভাবটি দেখতে পেয়েছি। এই কারণে আমি গভর্নরের সমর্থনের জন্য কৃতজ্ঞ যাতে প্রোগ্রামটি চালিয়ে যেতে পারে, সিটি অব ট্রয়েও যেখানে প্রোগ্রামটি শেকড় গেঁথে ফেলেছে এবং জননিরাপত্তা টিমের দ্বারা এটি স্বাগত জানানো হয়েছে। উপাত্তটি প্রমাণ করে যে এই কর্মসূচি অত্যন্ত প্রয়োজনীয় ও এর যথেষ্ট প্রভাব রয়েছে যা আমাদের কমিউনিটিগুলোকে আরো নিরাপদ করে তুলছে।”

অ্যাসেসম্বলি মেম্বার Pamela J. Hunter (পামেলা জে. হান্টার) বলেন, “নেতৃত্ব প্রদান এবং আমাদের কমিউনিটিগুলোতে বন্দুক সহিংসতা কমিয়ে আনার জন্য গভর্নর হোকল যে প্রতিশ্রুতি প্রদান করেছেন আমি তার জন্য কৃতজ্ঞ। SNUG স্ট্রিট আউটরিচ প্রোগ্রামে 20.7 মিলিয়ন ডলারের বিনিয়োগ, যার মধ্যে সিকারাস মডেল নেইবারহুড ফেসিলিটি এবং SUNY আপস্টেট মেডিকেল সেন্টারের জন্য সংকটপূর্ণ তহবিল সহ 128তম অ্যাসেসম্বলি ডিস্ট্রিক্টের মানুষের জীবনে সরাসরি এবং ইতিবাচক প্রভাব তৈরি করবে। আউটরিচ কর্মীদের, হাসপাতালের কর্মীদের এবং কেস ম্যানেজারদের সহায়তার মাধ্যমে এই উদ্যোগটি সবচেয়ে বেশি ঝুঁকিতে থাকা ব্যক্তিদের জীবন-পরিবর্তনকারী রিসোর্স সরবরাহ করে, সহিংসতার চক্র ভাঙতে এবং নিরাপদ প্রতিবেশী তৈরি করতে সহায়তা করে। আমি আমাদের কমিউনিটিগুলোকে সুরক্ষিত করতে এবং তাদের উন্নয়নের প্রমাণ-ভিত্তিক প্রচেষ্টাগুলোর অব্যাহত অগ্রগতি দেখার জন্য অত্যন্ত আগ্রহী।”

অ্যাসেসম্বলিমেশ্বার Jonathan Jacobson (জোনাথন জ্যাকবসন) বলেন, “দুর্ভাগ্যবশত, বন্দুক সহিংসতা নিউবার্গ এবং পককিপসি শহরগুলোকে আক্রান্ত করে এবং এটি স্টেট ও দেশের অনেক জায়গাতেই ঘটে থাকে। বন্দুক সহিংসতার মত ঘটনাগুলোকে তিনটি উপায়ে সমাধান করতে হবে: নিউ ইয়র্ক স্টেটের বাইরে থেকে বন্দুক পাচারের অবসান; আমাদের রেড ফ্লাগ আইনের সম্পূর্ণ প্রয়োগ সহ আমাদের বন্দুক আইন প্রয়োগ করা; এবং বন্দুক সহিংসতা শুরু হওয়ার আগেই নিরুৎসাহিত করতে এবং বন্ধ করতে কমিউনিটি-ভিত্তিক অর্গানাইজেশনগুলোর মাধ্যমে কমিউনিটিকে সম্পৃক্ত করা। তিনটি উপায় ব্যবহার করে বন্দুক সহিংসতা বন্ধ করার প্রতিশ্রুতি এবং কমিউনিটি-ভিত্তিক অর্গানাইজেশনগুলোর মাধ্যমে বন্দুক সহিংসতা বিরোধী উদ্যোগে এই বছরের বাজেটে বিনিয়োগের জন্য আমি গভর্নর Hochul (হোকল)-কে ধন্যবাদ জানাতে চাই।”

অ্যাসেসম্বলিমেশ্বার Marianne Buttenschon (ম্যারিয়েন বুটেনসন) বলেন, “আমরা দুর্ভাগ্যবশত আমাদের তরুণদের বন্দুক সহিংসতার দ্বারা নেতিবাচকভাবে প্রভাবিত হতে দেখছি এবং এই প্রোগ্রামটি সহিংসতা কমাতে কাজ করে। আমি SNUG প্রোগ্রামগুলোতে অতিরিক্ত অর্থ প্রদানের জন্য গভর্নরের প্রশংসা করি।”

অ্যাসেসম্বলিমেশ্বার Demond Meeks (ডেমন্ড মিকস) বলেন, “SNUG এবং GIVE এর মতো কমিউনিটি-ভিত্তিক প্রোগ্রামগুলো বন্দুক সহিংসতার বিরুদ্ধে লড়াইয়ে একটি বাস্তবতা ভিত্তিক পার্থক্য তৈরি করছে। মধ্যস্থতা, মেন্টরশিপ এবং সহায়তার উপর ভিত্তি করে তারা আচরণ পরিবর্তন করতে এবং এই জটিল সমস্যার মূল কারণগুলোকে সমাধান করতে সহায়তা করছে।

তথ্য সুস্পষ্ট: এই প্রোগ্রামগুলো আমাদের আশেপাশের এলাকাগুলোকে শক্তিশালী করছে এবং জীবন রক্ষা করছে। আমি গভর্নর Hochul (হোকল)-কে এই গুরুত্বপূর্ণ সম্পদগুলোতে বিনিয়োগের চলমান প্রতিশ্রুতির জন্য প্রশংসা করি যা সরাসরি অপরাধ দ্বারা প্রভাবিত কমিউনিটিগুলোকে সমর্থন করে।”

অ্যাসেসম্বলিমেশ্বার Jen Lunsford (জেন লান্সফোর্ড) বলেন, “আমাদের কমিউনিটির বন্দুক সহিংসতা বন্ধ করতে কাজ করা মাঠ পর্যায়ের অর্গানাইজেশনগুলোতে বাস্তবতা ভিত্তিক বিনিয়োগগুলো গত এক বছরে লভ্যাংশ প্রদান করেছে। আমরা দেখতে পাচ্ছি প্রায় প্রতিটি বন্দুক-সংশ্লিষ্ট বিভাগে অপরাধের প্রবণতা কমে আসছে এবং এই ধরনের রিসোর্সের টার্গেটকৃত ডেলিভারির জন্য ধন্যবাদ। বন্দুক সহিংসতা মোকাবেলার জন্য বড় পরিসরের অর্থায়নের গভর্নরের এই ঘোষণা আমাদের সহিংসতা কমিয়ে আনতে এবং আমাদের আশেপাশের এলাকায় শান্তি ও স্থিতিশীলতা বজায় রাখতে সহায়তা করবে।”

অ্যাসেসম্বলিমেশ্বার John Zaccaro, Jr. (জন জাকারো, জুনিয়র) বলেন, “ব্রঙ্কসের অনেক পরিবার এবং নিউ ইয়র্কের আমাদের কমিউনিটি জুড়ে বন্দুক সহিংসতার বিধ্বংসী প্রভাব অনুভব করেছে। SNUG প্রোগ্রাম হস্তক্ষেপের প্রচেষ্টাকে শক্তিশালী করবে এবং ঝুঁকিপূর্ণ ব্যক্তিদের গুরুত্বপূর্ণ রিসোর্সের সাথে সংযুক্ত করবে। সহিংসতার মূল কারণগুলো সমাধান করার দ্বারা এবং অর্থপূর্ণ হস্তক্ষেপের মাধ্যমে আমরা কেবল ট্র্যাজেডিই প্রতিরোধ করছি না বরং ব্যক্তি এবং পরিবারের জন্য উজ্জ্বল ভবিষ্যতের রাস্তাটিও তৈরি করছি। আমি গভর্নর Hochul (হোকল)-কে তার নেতৃত্ব এবং প্রমাণিত সহিংসতা প্রতিরোধ কর্মসূচিতে বিনিয়োগ করার প্রতিশ্রুতি দেওয়ার জন্য ধন্যবাদ জানাই যা নিউ ইয়র্কবাসীদের জীবনে একটি বাস্তবতা ভিত্তিক পরিবর্তন বয়ে নিয়ে আসে।”

অ্যাসেসম্বলিমেশ্বার Kwani B. O’Pharrow (কোয়ানি বি. ও’ফ্যারো) বলেন, “বন্দুক সহিংসতা কমাতে এবং নিরাপদ পরিবেশ গড়ে তোলার জন্য SNUG-এর মতো কমিউনিটিতে প্রচার এবং সহায়তা কর্মসূচিতে বিনিয়োগ করা অত্যন্ত গুরুত্বপূর্ণ। জীবন পরিবর্তন করার এবং আমাদের কমিউনিটিগুলোতে স্থায়ী পরিবর্তন তৈরি করার জন্য আপনার প্রতিশ্রুতির জন্য ধন্যবাদ গভর্নর Hochul (হোকল)।”

অ্যাসেসম্বলিমেশ্বার Gabriella Romero (গ্যাব্রিয়েলা রোমেরো) বলেন, “গভর্নর Kathy Hochul (ক্যাথি হোকল)-এর মতো একজন অংশীদার আমাদের কমিউনিটিগুলোতে বিনিয়োগ করছেন যেগুলোর জন্য এটি সবচেয়ে বেশি প্রয়োজন, আমরা বন্দুক সহিংসতা হ্রাস এবং জীবন বাঁচাতে বাস্তব পদক্ষেপ নিচ্ছি। SNUG-এর মতো প্রমাণ-ভিত্তিক, কমিউনিটি-চালিত সমাধানগুলোর প্রতি তার অব্যাহত প্রতিশ্রুতির জন্য আমি গভর্নরকে ধন্যবাদ জানাতে চাই। এই 20.7 মিলিয়ন ডলার বিনিয়োগ—অ্যালবেনির ট্রিনিটি অ্যালায়েন্স এবং অ্যালবানি মেডিক্যাল সেন্টারের জন্য 2 মিলিয়নেরও বেশি সহ-নিশ্চিত করবে যে আউটরিচ কর্মী, হাসপাতালের কর্মী এবং সমাজসেবা পেশাদাররা সক্রিয়ভাবে বন্দুক সহিংসতা কমাতে তাদের গুরুত্বপূর্ণ কাজ চালিয়ে যেতে পারে। এই উদ্যোগগুলো একটি পার্থক্য তৈরি করেছে এবং আমি আমাদের আশেপাশের এলাকাগুলোকে সুরক্ষিত রাখতে অ্যালবেনির প্রয়োজনীয় রিসোর্সগুলো সুরক্ষিত করতে প্রতিশ্রুতিবদ্ধ।”

অ্যাসেম্বলিমেন্টার Noah Burrough (নোয়া বারোজ) বলেন, “SNUG আমার ডিস্ট্রিক্ট জুড়ে থাকা কমিউনিটিতে দারুনভাবে কাজ করে যাচ্ছে। বন্দুক-সম্পর্কিত অপরাধ হ্রাস পেয়েছে এবং আমরা সেই সংখ্যা আরো কমিয়ে আনতে চাই। নিউ ইয়র্ক স্টেটের 14টি কমিউনিটির জন্য এটি একটি দুর্দান্ত সুযোগ যে SNUG পরিষেবাগুলো তার সমস্ত কমিউনিটি জুড়ে ভাল কাজ করে থাকে। হেম্পস্টেডে এই বিনিয়োগের জন্য গভর্নর Hochul (হোকল)-কে ধন্যবাদ।”

অ্যাসেম্বলিমেন্টার Harry Bronson (হ্যারি ব্রনসন) বলেন, “SNUG স্ট্রীট আউটরিচ বেশ প্রভাবশালী কারণ এটি কমিউনিটি-ভিত্তিক সংস্থাগুলোকে তাদের বিদ্যমান সম্পর্ক এবং অংশীদারিত্বগুলোকে কাজে লাগানোর ক্ষমতা প্রদান করে যেখানে তারা বন্দুক সহিংসতা কমিয়ে আনতে পরিষেবা প্রদান করে। SNUG বাস্তবায়নের পর থেকে রচেস্টারের সকল স্তরে সহিংসতার ঘটনাগুলো দারুন ভাবে এবং উল্লেখযোগ্য ভাবে কমে এসেছে। কিন্তু আমাদের এখনো অনেক কাজ বাকি আছে। রচেস্টার জেনারেল হাসপাতাল এবং পাথস্টোনকে গভর্নর যে তহবিল প্রদান করছেন তা তাদের এই সফল জননিরাপত্তা উদ্যোগকে প্রসারিত করার জন্য প্রয়োজনীয় কর্মী, প্রোগ্রামিং এবং পরিষেবাগুলো প্রদানে সক্ষম করবে।”

ইরি কাউন্টির নির্বাহী Mark C. Poloncarz (মার্ক সি. পোলোনকার্জ) বলেন, “SNUG প্রোগ্রামে বিনিয়োগ নিরাপদ কমিউনিটি গড়ে তুলতে এবং বন্দুক সহিংসতা কমাতে সাহায্য করে। এই অনুদান পুরস্কারটি চলমান প্রশিক্ষণ এবং সহায়তা প্রদান করতে সাহায্য করবে যা SNUG-এর জন্য গুরুত্বপূর্ণ এবং আমি গভর্নর Hochul (হোকল)-কে আমাদের নাগরিকদের নিরাপদ রাখতে সহায়তা করার জন্য তার অংশীদারিত্বের জন্য ধন্যবাদ জানাই।”

অ্যালবেনির মেয়র Kathy Sheehan (ক্যাথি শিহান) বলেন, “SNUG এবং GIVE উদ্যোগের জন্য তাদের অব্যাহত বিনিয়োগের জন্য আমি গভর্নর Kathy Hochul (ক্যাথি হোকল) এবং DCJS-কে ধন্যবাদ ও সাধুবাদ জানাতে চাই। আমি আগেও বহুবার বলেছি, এই গভর্নর শুধু কথা নয়, কাজও করে থাকেন। এই প্রোগ্রামগুলোতে বিনিয়োগগুলো অ্যালবেনির মতো শহরগুলোকে কৌশলগত পছন্দগুলোকে স্থলে সম্পদ পেতে, আমাদের প্রতিবেশীদের সাথে সংযোগ স্থাপন এবং জননিরাপত্তার উপর ফোকাস করার বিকল্প পদ্ধতির অনুমতি প্রদান করে। এই সপ্তাহে আমার স্টেট অফ দ্য সিটিতে আমরা 5 বছরের গড় তুলনায় অপরাধের 3 শতাংশ কম এবং আমি দায়িত্ব গ্রহণের পর থেকে 21 শতাংশ কমিয়ে আনার বিষয়টি তুলে ধরছি। এই প্রোগ্রামগুলো চালিয়ে যাওয়ার জন্য অতিরিক্ত 2 মিলিয়ন ডলারের আজকের ঘোষণা অ্যালবেনি শহরের প্রতিটি বাসিন্দাদের মাধ্যমে উদযাপন করা হচ্ছে। ধন্যবাদ গভর্নর!”

ব্যাফেলোর মেয়র Chris Scanlon (ক্রিস স্ক্যানলন) বলেন, “আমি এখানে ব্যাফেলোতে সহিংসতা প্রতিরোধের প্রচেষ্টায় তার অব্যাহত বিনিয়োগের জন্য গভর্নর Hochul (হোকল)-কে ধন্যবাদ জানাতে চাই। SNUG স্ট্রীট আউটরিচ প্রোগ্রামের জন্য ইরি কাউন্টি মেডিকেল সেন্টারকে দেওয়া 2.8 মিলিয়ন ডলার কমিউনিটি অর্গানাইজেশন এবং ট্রমা রিসপন্ডারদের জন্য গুরুত্বপূর্ণ রিসোর্স সরবরাহ করবে যারা বন্দুক সহিংসতা প্রতিরোধ এবং জীবন বাঁচাতে অক্লান্ত পরিশ্রম করে। সাম্প্রতিক বছরগুলোতে আমরা নিজেসই দেখেছি কীভাবে এই উদ্যোগগুলো আমাদের আশেপাশে একটি বাস্তবতা ভিত্তিক পার্থক্য তৈরি করে এবং এই তহবিল আমাদের সেই অগ্রগতি চালিয়ে যেতে দেয় — ঝুঁকিপূর্ণ ব্যক্তিদের তাদের প্রয়োজনীয় সহায়তার সাথে সংযুক্ত করা এবং সবার জন্য একটি নিরাপদ, স্বাস্থ্যকর, শক্তিশালী ব্যাফেলো নিশ্চিত করা।”

সিরাকিউজের মেয়র Ben Walsh (বেন ওয়ালশ) বলেন, “নিউ ইয়র্ক স্টেটের দৃঢ় সমর্থন, কমিউনিটির অংশীদারদের সাথে টিমওয়ার্ক এবং সিরাকিউজ পুলিশের কার্যকর হস্তক্ষেপের ফলে সিরাকিউজ শহরে বন্দুক সহিংসতা উল্লেখযোগ্যভাবে কমে এসেছে। বন্দুক সহিংসতা সমস্ত প্রধান বিভাগ জুড়ে 2024 সালে 26 শতাংশের বেশি কমেছে এবং সবচেয়ে গুরুতর সহিংসতা - গুলো চালানোর শিকার আহত বা নিহতের পরিমাণ 39 শতাংশ কমেছে। আউটরিচ প্রোগ্রামগুলোর জন্য এই অর্থায়নের মাধ্যমে দেখা যায় যে বন্দুক সহিংসতা কমিয়ে আনার জন্য পুরো কমিউনিটির একসাথে কাজ করা প্রয়োজন সেটা গভর্নর Hochul (হোকল) জানেন এবং মেয়রের অফিসের মূল লক্ষ্যই হলো বন্দুক সহিংসতা কমিয়ে আনা। আমি গভর্নরের সাহায্যের জন্য এবং SNUG স্ট্রিট আউটরিচ টিম প্রতিদিন সিরাকিউসে যে যত্নশীল ও কার্যকরী কাজ করে তার জন্য আমি গভীরভাবে কৃতজ্ঞ।”

রচেস্টারের মেয়র Malik D. Evans (মালিক ডি ইভান্স) বলেন, “গভর্নর Hochul (হোকল)-এর নেতৃত্ব এবং GIVE এবং প্রজেক্ট RISE-এর মতো প্রোগ্রামগুলোতে অব্যাহত বিনিয়োগ আমাদেরকে রচেস্টারে বন্দুক সহিংসতা মহামারীর শীর্ষ বছর থেকে 50 শতাংশের বেশি কমাতে সাহায্য করার ক্ষেত্রে একটি বড় ভূমিকা পালন করেছে। SNUG আউটরিচ কর্মীদের মধ্যে এই বিনিয়োগ এই জটিল সমস্যাটির প্রতি তার প্রতিশ্রুতি এবং সমাধানের আরেকটি উদাহরণ এবং রচেস্টার শহর গভর্নরের অংশীদারিত্বের বিষয়টি সৌভাগ্যের।”

ন্যায়াগ্রা ফলস মেয়র Robert Restaino (রবার্ট রেস্টেনো) বলেন, “আমরা আমাদের কমিউনিটিকে নিরাপদ রাখতে সাহায্য করে এমন প্রোগ্রামগুলোতে গভর্নর Hochul (হোকল)-এর অব্যাহত বিনিয়োগের প্রশংসা করি। আমরা জানি যে গভর্নরের বিভিন্ন উদ্যোগ থেকে আমাদের কমিউনিটি কতটা উপকৃত হয়। এই অতিরিক্ত সংস্থানগুলো আমাদের সিটিকে নিরাপদ রাখতে আমাদের প্রচেষ্টা নিয়মিত চালিয়ে যেতে সাহায্য করবে।”

পোফকিপসির মেয়র ইভোন ডি. ফ্লাওয়ার বলেন, “গভর্নর Hochul (হোকল) পোফকিপসি সিটির জন্য বিতরণ অব্যাহত রেখেছেন এবং আমরা আমাদের কমিউনিটির প্রতি তার প্রতিশ্রুতির জন্য কৃতজ্ঞ। SNUG এর মত গুরুত্বপূর্ণ আউটরিচ কর্মসূচিগুলোতে বিনিয়োগ আমাদের যুবকদের সম্পৃক্ত এবং সহায়তা করার সক্ষমতা বৃদ্ধি করে তাদেরকে ইতিবাচক সুযোগের দিকে পরিচালিত করে আমাদের সিটিকে শক্তিশালী করে। TRAC কর্মসূচিটি আর সচল না থাকায়, আমি সার্ভিসেস ইনকর্পোরেটেড এবং SNUG-কে এই তহবিল ব্যবহার করে অতিরিক্ত বন্দুক সহিংসতার প্রতিরোধের উদ্যোগ উন্নত করতে এবং স্কুলের পরে আমাদের বাচ্চাদের জন্য নিরাপদ আশ্রয় স্থল তৈরি করতে এই তহবিলটি ব্যবহার করতে উৎসাহিত করি। SNUG কে অভিনন্দন এবং বন্দুক সহিংসতার বিরুদ্ধে আমাদের কমিউনিটিকে ঐক্যবদ্ধ করতে আমরা একসাথে কাজ করার পাশাপাশি আমি তাদের সাথে সহযোগিতা করার প্রত্যাশায় রয়েছি।”

ইউটিকার মেয়র Michael Galime (মাইকেল গালিম) বলেন, “বন্দুক সহিংসতার বিষয়গুলোর সাথে প্রকৃতপক্ষে সক্রিয় হওয়ার জন্য আমাদের অবশ্যই সকল বিবেচনার ভিত্তি থেকে এটির সাথে যোগাযোগ করা নিশ্চিত করতে হবে। সঠিক পুলিশিং সবসময় সামনের সারিতে থাকবে কিন্তু সচেতনতা ও প্রতিরোধ বৃদ্ধি করতে মাট পর্যায়ের অতিরিক্ত পুলিশ

সরবরাহের জন্য SNUG-এর মত অতিরিক্ত সংস্থান জরুরী। ইউটিকাতে আমরা এই তহবিলের জন্য কৃতজ্ঞ এবং যতটা সম্ভব SNUG কে সহায়তা করা অব্যাহত থাকবে।”

নিউবার্গের মেয়র Torrance Harvey (টরেন্স হার্ভে) বলেন, “নিউবার্গ সিটিতে সহিংসতা বিরোধী উদ্যোগের জন্য আরো তহবিল বরাদ্দ করার জন্য গভর্নর Hochul (হোকল)-কে ধন্যবাদ অনেক ধন্যবাদ! এই তহবিলটি নিরাপদ কমিউনিটিকে উৎসাহিত করতে এবং সহিংসতা হ্রাস করার জন্য একটি গুরুত্বপূর্ণ পদক্ষেপ। নিউবার্গকে একটি নিরাপদ আবাসস্থল হিসেবে গড়ে তোলার প্রতিশ্রুতির জন্য গভর্নর Hochul (হোকল) আপনাকে পুনরায় ধন্যবাদ।”

হেম্পস্টেডের মেয়র Waylyn Hobbs (ওয়েলিন হবস) জুনিয়র বলেন, “আমাদের কমিউনিটিতে সফল অর্জন প্রদানকারী SNUG-এর মত এমন কর্মসূচির মাধ্যমে আমাদের ভিলেজকে সহায়তা করার জন্য গভর্নর Hochul (হোকল)-কে ধন্যবাদ।”

ট্রয়ের মেয়র Carmella Mantello (কারমেলা মানটেলো) বলেন, “আমি গভর্নর Hochul (হোকল)-কে SNUG তার অব্যাহত বিনিয়োগ ও নিউ ইয়র্ক স্টেট জুড়ে সহিংসতা প্রতিরোধ কর্মসূচির গুরুত্বপূর্ণ কাজের জন্য প্রশংসা করি। ট্রয়-এ আমরা আমাদের কমিউনিটিগুলোকে সংযুক্ত করতে, সংঘাত প্রশমন ও ঝুঁকিতে থাকা লোকদের প্রয়োজনীয় সহায়তা পदानের ক্ষেত্রে SNUG-এর ইতিবাচক প্রভাব সরাসরি প্রত্যক্ষ করেছি। এই প্রচেষ্টাগুলোকে শক্তিশালী করতে এবং আমাদের আশেপাশের এলাকাগুলোকে আরো নিরাপদ করতে এই তহবিল সহায়তা করবে।”

ক্রিমিনাল জাস্টিস সার্ভিসেস ডিভিশন (Division of Criminal Justice Services) স্টেটের ফৌজদারি বিচার ব্যবস্থার সকল দিকে গুরুত্বপূর্ণ সহায়তা প্রদান করে, যার মধ্যে রয়েছে, কিন্তু সীমাবদ্ধ নয়: আইন প্রয়োগকারী ও অন্যান্য তদন্ত বিশেষজ্ঞ কর্মকর্তাদের প্রশিক্ষণ, একটি আইন প্রয়োগকারী স্বীকৃতি কর্মসূচির তত্ত্বাবধান; স্থানীয় আইন প্রয়োগকারী সংস্থা কর্তৃক ব্যবহৃত ব্রেথলাইজার ও স্পিড এনফোর্সমেন্ট সরঞ্জামগুলো সঠিকভাবে কাজ করছে কিনা তা নিশ্চিত করা; ফৌজদারি বিচার অনুদান তহবিলগুলো পরিচালনা করা; স্টেটব্যাপী অপরাধ ও কর্মসূচির তথ্য বিশ্লেষণ; গবেষণা সহায়তা প্রদান; কাউন্টি প্রবেশন বিভাগ ও কারাগার কর্মসূচির অপশনগুলোর তদারকি করা এবং কিশোর অপরাধ নীতি সমন্বয় করা। DCJS-কে [Facebook](#), [Instagram](#), [LinkedIn](#) ও [X \(পূর্বে Twitter ছিল\)-এ](#) ফলো করুন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্কাইব করুন](#)